



明詩正聲卷五十三 七言絕句二

廣陵

盧純學

選輯

江一夔校閱

溪上

莊昶

溪上春雲逐浪飛  
溪頭春水鯊魚肥  
閒人莫道全無事  
日出遊船月出歸

會昌宮詞

石瑄

羽節貂裘謁內庭  
太和公主髮初星  
御前細說和番事  
六院都來墮淚聽

唐武宮詞

宜春苑外兔初肥長從  
君王射獵歸一色赭  
袍飛兩騎外人不辨是賢妃

春江曲

楊守陳

春山雨過春江滿  
菱葉長長蒲葉短  
柳絲一把繫郎船  
好語東風莫吹斷

郊行

儲懽

凌兢瘦馬踏春泥  
雪後郊原綠未齊  
一抹午烟風隔斷  
野鷄聲在竹林西

即事

冬青樹老杜鵑啼  
高蓋西來接會稽  
莫問宋陵何處是  
故宮今已作招提

閨怨

周在

江南二月試羅衣  
春盡燕山雪尚飛  
應是子規啼不到  
故鄉雖好不思歸

蘇子遊赤壁圖

錢綱

載酒來遊赤壁磯  
月明烏鵲夜南飛  
披圖遙想人何在  
山水依然澹夕暉

有感

張注

勸君莫惜髮毛斑  
髮到斑時亦自難  
多少紅顏年  
少年少子朔風吹  
上北邙山

題畫瓜

聶大年

翠實離離引蔓秋  
西風涼露滿林丘  
東門尚有閒田地  
千載無人說故侯

送客

王雲鳳

春濕蒸雲雨欲絲  
飄飄遊子別離時  
愁看陌上青青草  
送盡行人總不知

郊祀歌

李夢陽

壇官秉笏候金鐘  
月出西南照雪峰  
不向蓬萊看五色  
那知天子是真龍

贈黃州守

黃州江比使君清  
赤壁山留萬古名  
黃州小兒騎竹馬  
來時相送去時迎

過王子

率爾高陽飲博徒  
酣歌擊劍膽何麤  
金門貴客如相許  
徑脫霜裘付酒壚

贈李沔陽

雲夢茫茫繞一州  
滔滔江漢古今流  
問俗不須乘五馬  
畫船鏡吹水鄉遊

雲中曲

白登山寒低朔雲  
野馬黃羊各一群  
冒頓曾圍漢天子  
胡兒惟說李將軍

塞上

天設居庸百二關  
初連更隔萬重山  
不知誰放呼延入  
昨日揚河大戰還

歸途咏古

河濟誰言不共流  
青春惡浪古懷州  
蕩搖少室三花樹  
倒映天壇白石樓

登嘯臺

白日紅雲拂地流  
醉鄉吾亦步兵遊  
登臺左眄黃河轉  
綠水洪波不盡愁

春日漫興

十日不出花盡開  
城南城北看花來  
即教閉戶從花盡  
莫遣看花不醉迴

送周判官

青燈綠酒五花裘  
客舍新秋螢火流  
問君不飲真何事  
明日出城風葉愁

夏日夜泊別友人

黃鶴樓前日欲低  
漢陽城樹亂烏啼  
孤舟夜泊東游客  
恨殺長江不向西

雲中曲

季冬飲馬長城窟  
沙礫飛揚帶白骨  
榆臺嶺邊聞鬼啼  
應是今年戰亡卒

其二

城上黃旗張暮天  
元戎宅內鼓闐闐  
底事鄰悲并巷哭  
雲州明日是新年

白鼻騮

羽箭銀鞍白鼻騮  
春日徐行踏落花  
揚鞭突入章臺去  
背指垂楊問酒家

諸將入朝歌

何景明

羣公陪宴栢梁臺  
殿上傳呼萬壽杯  
元戎節鉞來江上  
使者樓船泛海迴

寄鄭繼之

台嶽中峰綵霧生石梁遙挂赤霞城仙潭尺素  
傳雲鯉報爾今尋華頂行

終南篇

離宮別館舊京華表裡關河屬漢家二閣天圍  
青錦帳五臺雲湧石蓮花

送汝慶還關中

華岳雲臺萬里情高秋落日眺秦城黃河一線  
通滄海身在仙人掌上行

晚至昌平寺中

度盡清溪十里霜寒蕪落日下蒼茫山城薄酒  
無錢買晚飯僧家石耳香

燕京十六夜曲

御河橋畔千尺臺燕京女兒踏歌來臺上歌鐘  
日夕起橋頭酒壚日夜開

苦熱行

宮裏傳冰賜從官含霜弄雪白雲寒銀林晝鎖  
琉璃井玉殿陰沉瑪瑙盤

其二

長安萬家懸甌裏風捲塵沙當晝起五侯堂上  
冰成霜朝見成山暮成水

楊柳枝

杭濟

東風裊裊拂朱闌萬樹千條綠未乾玉笛聲中  
人不見倚樓烟雨正春寒

偶題

顧璘

雲連樹色千章合雨挾泉聲一道飛儘有山林  
堪送老不知何事未忘機

題畫

羅柔

平分空翠羣峰立湖上晴波一鏡開落盡梅花  
春事晚夕陽紅處鳥飛回

題觀山圖

一帶雲林屋數間綠江路僻石臺閒飛花滿地  
無人到獨自登臺看遠山

有感

布谷亂啼紅雨外催耕又喚綠楊中幽禽不食  
官倉粟纔到農時便勸農



燕京夏歌

徐禎卿

暑殿金泉枕碧山  
清涼樓閣五臺間  
赤日不行葱嶺北  
雪花長繞玉門關

送蕭若愚

送君南下巴渝深  
予亦迢迢湘水陰  
前路不知何地別  
千山萬壑暮猿吟

安南歌送沈使君

借問炎交路若何  
片帆南指廣州過  
知君怕見桄榔樹  
近嶺猿聲日漸多

其二

漢關行盡忽桃源  
竹樹蕭蕭鷄狗喧  
銅鑼椎髻來迎榼  
蠻國王孫出領幡

其三

烏蠻灘上烟水聲  
伏波廟前秋月明  
夜半津人挽舟上  
夷歌偏動望鄉情

送顧馬湖孔昭

西上江陵北客哀  
遙看巴路碧崔嵬  
樹繞黃牛瞿峽轉  
天橫劒閣蜀門開

其二

錦水由來勝若耶  
蘭橈三月汎桃花  
巴兒見客能歌舞  
蜀女明粧笑浣沙

送方山人

嚴子灘頭花落時  
水清雲碧淨漣漪  
孤舟相逐飛花去  
一日看山到武夷

迎鑾曲

邊貢

金陵今古帝王都  
碧石清江一畫圖  
五聖百年虛想像  
鑾輿曾到此間無

其二

自采民風問老農  
微行不遣近官從  
那知天  
子關天象到處雲成五色龍

其三

弓如滿月向江開  
箭插寒潮捲浪迴  
水上鼉鼉莫深避  
我皇元為射蛟來

其四

潮落江門烟水秋  
雲帆月下過揚州  
兩京馳道三千里  
夾岼垂楊接御溝

劉希尹謫壽春

淮南花雨送春還  
叢桂陰陰郡閣閒  
自是劉安有仙骨  
謫居猶近八公山

送潘伯振守漢中

石棧凌雲鳥道斜  
漢中城府枕三巴  
楓林落葉猿聲滿  
那得行人不憶家

送蘇別駕

去歲秋風別省闈  
木犀花落雨霏霏  
那知此日江陵郡  
春草連天送客歸

海青圖

雲暗胡天雪滿衣  
鴛鴦聲亂海青飛  
李陵臺下陰山北  
正是單于夜打圍

教子茨水亭

曲徑回廊接圃深  
竹窓松戶曉陰陰  
幽花不阻三春夢  
明月長懸萬里心

觀城歌

睥睨連雲十二樓  
西南形勝數荊州  
已教峴首為屏繞  
更遣巴江作帶流

雜興

御溝東畔柳成林  
御水盈盈十里陰  
白馬青衫橋上客  
春來多少故園心

綠珠怨

主家高樓天與齊  
妾身不惜委黃泥  
他生願作銜泥燕  
長傍高樓梁上栖

湘中雜興

朱應登

湘渚草深鶉鷓鳴  
湘江水清多芷蘅  
月明伊軋中流槩  
疑是湘娥鼓瑟聲

其二

春草千里碧沉沉  
蒼梧雲昏湘水深  
此中自古行人怨  
鷓鴣雙啼斑竹林

送劉侍御

巴東涼月夜何其  
起視明星夜不遲  
兩岸落梅羌笛裏  
故園今夕是歸期

邊人曲

孫一元

燕山風高白草枯  
月明何處夜吹蘆  
邊人戍久不忍聽  
淚濕腰間金僕姑

醉着

瓦甌倒盡醉難醒  
獨抱漁竿卧晚汀  
風露滿身呼不起  
一江流水夢中聽

寄青空道人

斗酒長歌對夕曛  
相思無那隔重雲  
夜來夢到西湖路  
白石灘頭鶴是君

銅雀硯

周埴

作硯還為世所珍  
觚稜曾蔭綺羅春  
常含一滴興亡淚  
似泣當年賣履人

夜泊濟寧

春夜沉沉此繫舟  
滿天明月似中秋  
欲携斗酒邀明月  
一醉城頭太白樓

扶風道中

康海

破屋蕭條才數家  
短牆無處不飛花  
平原南下蒼厓出  
哀壑東迴小徑斜

蕪城歌

王廷相

莫向隋宮問六朝  
璫枝玉蘂已烟消  
祇今唯有湖邊柳  
猶對春風學舞腰

巴人竹枝歌

郎在荆門妾在家年年江上望歸槎  
茶蘼種得高如妾縱有春風枉却花

其二

楊花作雪草連天郎下荆吳又一年  
江上浣沙郎不見問郎錯問下江船

徐州夜候岳君延茂才

月華如水水連天夜泊彭城兩岸烟  
一樣中流歌款乃不知誰是孝廉船

平南凱還歌

詔下團營大點兵我皇親作冠軍  
行九河壓地樓船去八月橫天劔戟明

行邊

榆林上郡跨雄圖况是君王拜郅都  
夜燄金符催出塞朝開罽帳獻擒胡

巴人竹枝歌

江草江花滿眼新不知郎處幾多春  
愁來欲上東峰望上到東峰愁殺人

遊仙

南極老人乘彩霞赤松仙人上清家海陽舊種  
扶桑樹春到齊開五色花

宮詞

雲髻峨眉紫鳳笙三千隊裡獨分明君恩莫作  
尋常看一別昭陽便隔生

扈從謁陵歌

十二龍旂向曉開行宮深度五雲來詞臣奏罷  
長陵賦不數甘泉侍從才

題畫

林俊

雨黑重山水半渾萬松深處幾家村石牀懶慢  
無官府落盡山花不出門

再入華山

王尚綱

松逕煙蘿澗水深西來又上華山岑真源欲問  
來時路滿地桃花何處尋

贈張縣博

太白樓前春水多南湖春老白蘋波白蘋波上  
風還雨欲采芙蓉將柰何

寄內

孟洋

朝望秦雲別華山暮過晉水宿蒲關深閨不識  
征夫苦猶說天涯人未還

迴鴈峰

迴鴈峯高起夕嵐孤舟落日繫江潭鴈知瘴癘  
愁南度遷客明朝路更南

春草

帶雨和烟未可名春風處處不勝情于今南浦  
知多少都向王孫去後生

柳枝詞

王韋

却笑梁園事已非梁王去後燕空歸可憐園上  
多情樹風絮紛紛學雪飛

其二

渭水西來萬里遙行人歸去水迢迢垂楊不繫  
離情住只送飛花過渭橋

逐客送劉伯孺侍御謫嶺南 鄭善夫

尉陀城外沉雲槎西望蛾眉隔木華若道日南  
天萬里歸心一夜過三巴



擢歌

鴻鴈飛來風雪心  
鴻鴈飛去天山陰  
二月天山風雪淺  
六月天山風雪深

其二

青螺江頭遊子吟  
黃金臺上秋雲深  
風塵一別一萬里  
美人駕車傷我心

武夷曲

幔亭彩幄會仙靈  
紫霧濛濛薄太清  
奏罷人間可哀曲  
鳳笙龍管杳無聲

其二

沙棠為楫桂為船  
紫嶂丹崖錦映川  
我是開元李居士  
鐵龍吹散萬峰烟

其三

石鼓雲樓天漢開  
飛泉幾道白龍迴  
探玄咲入桃源路  
黃葉千岩風雨來

送陳侍御使廣

嶺南巨海散溟濛  
海上羅浮四百峰  
炎瘴直須三尺雪  
鱷魚先避五花驄

送汪思雲還徽州

陸深

秋風秋雨滿歸舟  
明發錢塘古渡頭  
西望石灘三百六  
倚天雲樹是徽州

京口別黃甥良式

千里相逢論古今  
河橋風雨夜沉沉  
不知此日江頭路  
何似當年渭水深

寄南征

相看無限故園情  
獨倚西樓向晚晴  
秋水一簾天上下  
荻花楓葉隔江城

呈劉可大內翰

方謙

客裡光陰夢裡家  
多年常是戀京華  
斑衣庭下宜男草  
開作長安二月花

閨情

戴銑

春眠初起顰殘粧  
倦倚雕闌謾自傷  
那得落花隨水去  
為儂傳恨與劉郎

蔡琰

金高寶

黃雲萬里馬行遲  
歸國情如去國時  
一拍胡笳兩行淚  
誤將金壁贖蛾眉

明詩正聲 卷之五十三  
潯州

向錦

西山日落蠻烟起南浦波生越客歸百雉荒涼  
倚孤棹一鉤涼月對秋衣

過滁州

錢琦

江北滁南數日程蕭蕭落木送秋聲夕陽滿地  
鳥飛絕人在亂山堆裡行

春日送時省兄之京和韻

翩然仗劍出吳關上國遨遊去路難御柳宮桃  
千萬樹春光一片彩雲間

望夫石

顧彥夫

望夫獨立碧山頭夫離家鄉何處游恨不化為  
江面草隨波牽着去時舟

聖上西巡歌

韓邦靖

宮車七月度居庸天子巡邊御六龍胡虜遠歲  
三萬里却鳴金鼓下雲中

其二

海日遙凝上将袍胡霜不及侍中刀兵臨瀚海  
冬無雪騎轉陰山馬正驕

庚午春使湘舟行得棹歌

牆裏桃花牆外紅一春無雨一春風佳人欲折  
桃花去一半飄流河水中

閨辭

門外長江日日流桃花開後憶郎舟相思肯信  
吳山遠拋却金針上翠樓

其二

春樹濃煙曉不收陰陰天氣似深秋佳人悞喜  
歸期近不道春風次第愁

楚宮

雲雨陽臺事已空惟餘煙草舊時宮請君看取  
黃金屋莫道襄王是夢中

謾成

沙苑烟光近白樓黃河清渭兩交流牛羊落日  
新丘隴楊柳春風古渡頭

送何希漢遊羅浮

戴冠

聞君有意覓丹砂裹飯朝來海上槎倘見葛翁  
煩問訊洞天曾共醉胡麻

其二

朱明洞裏葛翁家白鶴峰邊路更賒自有羣仙  
山下會不須洞口問桃花

憶友

園林鬱鬱暮鴉棲惆悵王孫日已西孤枕夢魂  
無着處江南春早又鶯啼

春興

城裏逢春不解春客中愁病轉傷神西園一夜  
東風入忽見桃花無數新

其二

獨館春寒夜不禁天涯為客益沾襟誰家吹笛  
東風裏明月關山萬里心

春日漫興

燕姬十五未經愁終日含情獨倚樓浩渺不知  
春已去忽驚飛絮滿簾鉤

偶題

方豪

亂山兩岸一江橫烟樹濛濛雨乍晴釣艇自來  
仍自去江風不動水禽鳴

日言上卷  
卷之三  
荅林炫見懷

榕江江上片帆歸  
江草江花映竹扉  
明月長看漁父醉  
白鷗不道主人非

春興次王子復韻

葉相

綠烟青草暮雲飛  
柳絮陰陰染客衣  
蝴蝶一床春夢醒  
鳥啣花片上柴扉

明詩正聲卷五十三

明詩正聲卷五十四

七言絕句三

廣陵

盧純學

選輯

江一夔

校閱

大堤曲

常倫

襄陽女兒十五餘  
耳後雙垂明月珠  
日暮放歌堤上去  
春風習習動羅襦

華燭引

楊慎

菖蒲傳酒座欲闌  
碧玉舞罷羅裳單  
流雲影射荆王枕  
曉露光搖漢帝盤

望中條山

征馬長鳴向北風  
嶠關回首暮天東  
太行過盡中條出  
一路青山白雪中

寄遠

濯錦江頭烟水綠  
相思萬里人如玉  
瑤琴別後不曾彈  
今朝才理將歸曲

江陵舟中贈田李二子

落月寒沙夜未分  
玉簫金管醉中聞  
明朝回首沅江路  
愁聽青猿和白雲

流螢篇

蕩子從軍向月支  
閨人對影滯秋期  
蠶書宛轉連環字  
鴈帛殷勤織錦詩

竹枝詞

最高峰頂有人家  
冬種蔓青春采茶  
長咲江頭來往客  
冷風寒雨宿天涯

其二

上峽舟航風浪多  
送郎行去為郎歌  
白鹽紅錦多多載  
危石高灘穩穩過

狼山凱歌

按轡收兵楓樹林絕流飛渡早傳音風前鷁退  
吳山靜月下龍吟江水深

滇海曲

碧鷄金馬古梁州銅柱鐵橋天際頭試問平滇  
功第一逢人惟說潁川侯

其二

沙金海貝出西荒桃竹槿華貢上方香象渡河  
來佛子白狼槃木拜夷王

光尊寺別張愈光

萬里炎荒萬里身銷魂何事別離頻光尊寺裡  
桃應咲回首東風九度春

雜詠

張治

望湖亭上水如天曾是宣皇賜幸年玉輦不來  
鳧雁冷一湖楊柳鎖春煙

登石鐘山望廬山

廬嶽亭亭翠萬重懸泉千尺挂飛龍石鐘山下  
江如鏡映出青天五老峰



春日同王浚川海上雜歌

薛蕙

天鷄啼處夜生潮東望蓬萊翠霧消紫貝高為  
雲外闕青龍蟠作日邊橋

其二

石門雙闕入蓬瀛日日惟看雲霧生白蜃吹霓  
晴後見翠蚪銜月夜中行

皇帝行幸南京歌

白鷺洲邊玉帳開錦帆東指鳳皇臺怪底鯨鯢  
窟江底君王駕馭六龍來

其二

天風吹動翠雲裘坐看樓船下石頭江左重瞻  
天子氣金陵長作帝王州

其三

淮水南邊是狹斜蛾眉臨水折江花日暮龍舟  
泊何處玉牀拋在五侯家

其四

翩翩翠蓋覆鳴鑾詔許都人夾道看樂府盡歌  
楊柳曲後車多著鷄鷄冠

其五

燕姬玉袖抱箜篌  
馬上長隨翠輦遊  
春來照影秦淮水  
愛殺江南雲母舟

從軍行

蔣山卿

雪嶺愁雲凍不飛  
黃沙白草路人稀  
邊城春色惟看柳  
看到青時春已歸

昭州歌

西行幾日斷人烟  
明月千山響杜鵑  
試上越王臺上望  
瀟湘秋色滿南天

八月十五夜月泛江

石壁天開揚子津  
水清沙碧靜無塵  
海門一道流孤月  
如此風光醉殺人

塞上

王謳

落日羣山橫野戍  
悲風萬里捲胡沙  
經年為客愁應絕  
望盡關河不見家

將軍曲

胡騎千羣聚野營  
將軍騎馬出邊城  
陣前血劍橫相向  
塞外從今識姓名

皇上南巡舊京歌

陳沂

城南幕府作皇居空闕依然古帝都燕子不來  
王謝宅烟花還繞莫愁湖

放內苑諸禽

多年調養在雕籠放出初飛失舊叢祗為恩深  
未能去朝來還繞上陽宮

宮詞

翠苻紅蓮水殿香不知簾外易生涼夜來許賜  
金莖露明日驚看玉樹霜

其二

後庭仙樹是誰栽春盡重門瑣綠苔聞說翠華  
籠燭過上陽宮裏看花來

歸夢

許相卿

故山秋老親闈冷游子夜長歸夢多獨倚蒼茫  
動幽興却慚容易脫漁簑

月林僧舍

月午霜天破衲寒梵音蕭颯度林端經殘香燼  
秋寥沈時有風枝語夜闌

野泊

莽莽滄江白鳥秋丹崖不斷碧梧流舟橫野渡  
倚殘照日落風烟生暮愁

過分水有感

敖英

龍舟前日往來輕邊馬蕭蕭兩岸鳴顛顛會通  
河上柳至今猶似怨南征

秋興呈邊庭實

池頭一雨送新涼小坐茆亭月近牀和得竹枝  
三百首西風無鴈寄瀟湘

昭君圖

啼紅遠別漢宮春滿袖胡沙兩鬢塵若論琵琶  
能靖虜玉顏應合畫麒麟

太嶽

偶來雲卧紫霄宮露洗瑤臺月浸空夜半星官  
朝北斗步虛聲在萬松中

宋宮人斜

朱豹

落花滿地無人掃白骨青山幾暮春夜半幽魂  
常問月趙家宮殿屬何人

蘭溪道中

傍山茅屋自成村  
燕子飛來過石門  
一道長溪杳然去  
雲深疑是武陵源

遊觀音寺

青山低處寺門開  
一派寒泉樹裏來  
遙指前峰拂衣去  
嘯聲還在白雲隈

吳歌

謝承舉

秦淮女兒歌  
柘枝隔淮吳兒唱  
新詞聲聲互荅  
綠楊裏正是離人腸  
斷時

夢中作

璫瑤洲畔拾芙蓉  
玉女青童兩隊從  
明月一江天似水  
夜深騎鶴上高峯

過公主廢宅

陸容

金屋重重瑣翠苔  
東風依舊燕飛來  
鳳簫聲歇春無主  
牢落宮花幾度開

聞笛

陳蒙

落盡梅花雪滿庭  
故園楊柳夢中青  
羌兒馬上傳來曲  
今夜關山月裏聽

寄晚香居士

何處砧聲月漸高  
故鄉千里夢魂勞  
遙思此夕深閨裏  
切切寒風入剪刀

京邸送友人

王言

蕭蕭風雨入黃昏  
無限離情酒一尊  
安得明朝更風雨  
免教行李出都門

懷中立王孫

郭本

春風吹斷梨花夢  
落日行吟芳草洲  
一片孤雲挂天末  
美人不見迥生愁

宮詞

許成名

禁苑鶯啼倚畫闌  
花枝滿眼帶愁看  
暖風不到羅衣薄  
十二瓊樓動曉寒

陵殿候駕

漢陵周寢萬峰迴  
碧樹千重錦繡開  
黃幄曉隨雙鳳引  
紫雲齊駕六龍來

宮詞

劉天民

內園初放牡丹春  
便欲攀條中使嗔  
就裏並頭紫花朵  
官家記取賜誰人

耿耿涼天參正橫  
銀牀梧井轆轤聲  
虜傳青綆長千尺  
何似閨人永夜情

長門怨

孫宜

明月低回渭水津  
漢宮花草月中新  
清光欲向西樓轉  
莫照樓前薄命人

楊柳枝

周憲王

春來折盡更逢春  
舊折長條今復新  
惟有行人相送別  
今年不是去年人

塞上曲

肅靖王

遠出漁陽北擊胡  
將軍談笑挽雕弧  
千金底購單于首  
贖得沙場戰骨無

其二

定遠臨邊佩虎符  
流沙西去過伊吾  
銜枚夜斫單于壘  
縛取休屠擬獻俘

伊州歌

霜重榆關下角鷹  
水寒蒲類半成冰  
馬嘶部落征笳動  
夜月穹廬泣李陵

懷舊

拱樋

漢廷疑獄不堪論未老投簪荷主恩欲訊山陰  
無驛使風流耆舊幾人存

其二

子長俠氣九州橫睥睨平津閣上名宿草只今  
迷白壁西風鄰笛不勝情

荅陳憲卿

海內相聞廿載前雙鴻忽寄郢中篇飄飄大有  
凌雲氣司馬千秋可並傳

其二

鸚鵡洲前芳艸陰五花山外暮雲深神交此日  
稱知己無限相思付短吟

其三

蕭條短髮卧東湖湖上垂綸擬釣徒忽爾楚天  
來紫氣開函錯落走驪珠

其四

吳歛燕調一時新聽曲還能解識真淡掃蛾眉  
君自信眼中半是捧心人

其五



湖光烟色擁郎官安得追隨把臂懽一自騎鯨  
天上去空留明月萬峰寒

正月十四日泊苦渡次鄭野泉少叅韻

劉隅

烟霧淒迷入武陵春江微綠帶層冰鄉心何處  
愁邊碎雨灑孤蓬夜半燈

塞上曲

趙時春

雪海冰深胡馬驕沙場黯淡塞雲高靈旗一掃  
旄頭落破虜將軍試六韜

其二

欲挽銀河洗甲兵玉關遼海罷長征薰風吹散  
蹄林馬暖日晴搖細柳營

其三

霜刀玉纜驅拳毛月滿驛弓雲陣高萬騎沙邊  
齊齧指驚看一箭落雙鷗

河西歌

見說東平王總制盡將旌旆豎山柵天聲五月  
風雷動胡騎三千烟霧消

詠史

潘恩

艮嶽山頭列虜營朝元閣裏夜談經冬青樹上  
頻伽鳥猶為君王頌太平

送李樂菴赴池州司訓

蔡夔

依依楊柳暫停驂別酒何辭盡日酣此後相思  
成遠夢定隨明月到江南

詠竹

張時徹

山陰誰種碧琳琅日日春風遶畫堂海上月明  
吹玉笛令人錯認是瀟湘

暮秋

玉笛淒淒楊柳風驅車盡日白雲中七盤嶺上  
啼猿淚獨向天涯怨轉蓬

其二

明月如霜照玉除莎雞唧唧鳳悻悻虛可憐夜半  
河陽雁不寄黃龍塞上書

塞下曲

白馬雕鞍五彩弓揮戈免胄疾如風將軍不用  
誇威武擒得單于是首功

其二

玉關南望淚如絲  
陰磧黃雲凍不飛  
出塞已知音信斷  
夢中還說送征衣

遊羅浮

顧夢圭

丹煙碧霧畫濛濛  
勾漏真人不可逢  
欲向石樓窺曉日  
藤蘿長瑣玉鸞峰

冬夜

王珂

峯高雲凍鳥飛斜  
古木寒門掩萬家  
况是九原消息動  
暗將春色上梅花

塞下曲

蘇祐

將軍營外月輪高  
獵獵西風吹戰袍  
籥篥無聲河漢轉  
露華霜氣滿弓刀

其二

艷骨香魂幾尺墳  
至今指點說昭君  
能回白草生青草  
應散黃雲作彩雲

秋雪

九月邊州散雪花  
三關烽火淨塵沙  
胡兒僵卧長城下  
淒斷穹廬夜半笳

涼州曲

高岱

賀蘭烽火接居延  
白草黃雲北到天  
一片城頭青海月  
十年沙磧伴人眠

春日

在獄作

楊爵

柝聲急處鴈聲高  
門掩園燈夜寂寥  
念此天涯歸路杳  
誰將一線楚魂招

南歸道中

顧聞

沙靜天高潮正長  
扁舟今日渡山陽  
笛聲吹落黃河月  
淮北淮南總斷腸

送葵軒叔祖之南京

張邦奇

青龍山遶鳳皇臺  
二月烟花處處開  
官舍曉鐘清夢醒  
白雲千里渡江來

塞上曲

樊鵬

金鞍白馬羽林兒  
萬里長驅破月支  
刀頭未洗胡王血  
馬首先懸漢將旗

長門怨

陸粲

金屋承恩事已非  
玉顏憔悴對春暉  
無因得似宮前柳  
猶有長條拂御衣

戊婦詞

顧存仁

君行切莫學秋胡君事戎行妾事姑慷慨不須  
頻內顧早隨飛將滅匈奴

湖上

王寵

春山面面翠屏開盡繞吳王百尺臺一代霸圖  
憐燼滅五湖流水恨東廻

其二

古木朱藤踈着花淡雲斜日淨江沙黃金臺上  
無推轂白石山中有歲華

蠶忌

鶯老花殘不記春閉門蠶忌動經旬寧知画閣  
鳴箏女墮地粧成錦繡人

荅王山人春日見尋

趙綱

子規聲斷夕陽斜竹裏柴門掩落花幾度春來  
問行跡武陵深處欲移家

慈仁寺

吳子孝

微鐘卧聽昔年曾門掩花香白髮僧今日重來  
心轉寐一函經對佛前燈

謝人遺簫

紫色瓊枝五點星  
勞君相贈感君情  
年來覓得乘鸞侶  
夜夜空山弄月明

送袁邦正

閩門楊柳綠烟濃  
兩岸樓臺下夕春  
風送扁舟何處泊  
楓橋燈火卧聞鐘

仇將軍南征歌

唐順之

草木千山鼓角風  
將軍牧馬夜郎東  
靈臺向夕占星色  
已報櫓槍墮海中

塞下曲贈翁侍郎總制

健兒白馬紫金鞦  
不向沙場便酒樓  
夜來一賭青錢盡  
尚有囊中血髑髏

昭君詞

羅洪先

愁向胡天別塞垣  
一聞南鴈一銷魂  
妾心縱得隨明月  
解近君王不解言

其二

鳳釵鸞鏡久生塵  
二月胡天不識春  
寄語女郎須愛惜  
從來脂粉誤人身

明言上卷  
卷之三十  
二  
答友

汎海尋仙事渺茫雲中笙鶴久相望深山古洞  
無人到明月年年照石牀

塞下曲

沈愷

山蟠碣石傍雲浮水入黃河天倒流歸夢不知  
秦嶺隔却隨明月落南州

邊愁

半天明月照邊州萬里胡沙滿地秋南鴈不來  
愁欲絕為誰傳語寄征裘

春日江行

江上逢春思欲迷揚橈如入武陵溪竹間流出  
桃花水疑有仙家住隴西

夢到家

昨夜分明到故園桃花含碧柳含烟無端客夢  
風吹散依舊汶陽春水邊

高陽行

陳東

高陽年少事橫行重俠由來不重生奪得雕刀  
搖雪色騎將飛馬蹙風聲

其二  
北風吹隴篔黃沙縱博千場日未斜  
白劍殺人  
丹劍舞咲歌踏入酒姬家

吳下竹枝詞

唐詩

儂家住向越來溪五月荷花路欲迷  
郎若來時  
休用問門前楊柳一行齊

苔葉茂長

陳堯

霜落芙蓉水國寒天涯遊子黑貂殘  
空懷滿袖  
長揚賦不得君王一咲看

雜興

盧楓

買得生柴露半垂和烟燒葉辦晨炊  
悠然命坐  
花陰下已覺中庭過午時

其二

病起槐陰小立時槐花生角墜枝低  
年來身病  
心無病看盡人間是與非

其三

今來無雨地無收無食無衣搃不愁  
祇怕催科  
如猛虎又牽黃犢上街頭



明詩正聲

卷之五十四



